

Na osnovu člana 51. Zakona o izvršenju budžeta Bosansko-podrinjskog kantona Goražde za 2021. godinu ("Službene novine Bosansko-podrinjskog kantona Goražde", broj: 2/21), Zakona o raseljenim osobama i povratnicima u F BiH i izbjeglicama iz BiH ("Službene novine F BiH", broj:15/5), a u skladu sa Programom utroška sredstava Ministarstva za socijalnu politiku, zdravstvo, raseljena lica i izbjeglice sa ekonomskog koda 614200 (JAM 001) Tekući transferi pojedincima - Izdaci za raseljena lica za 2021. godinu, broj: 08-11-2451-2/21 od 28.09.2021. godine na koji je saglasnost dala Vlada Odlukom, broj: 03-11-1611/21 od 24.09.2021. godine, Ministarstvo za socijalnu politiku, zdravstvo, raseljena lica i izbjeglice Bosansko-podrinjskog kantona Goražde **objavljuje**:

JAVNI POZIV
za podnošenje prijava za ostvarivanje pomoći
iz Programa podrške održivom povratku

1. PREDMET JAVNOG POZIVA

Predmet Javnog poziva je dodjela finansijske pomoći povratnicima u cilju obezbjeđenja uslova za održivost povratka i poboljšanje kvaliteta življenja u mjestu povratka za Grad Goražde, općine Foča u F BiH, Pale u F BiH, i susjedne općine iz Entiteta RS-a.

2. FINANSIJSKA SREDSTVA

Sredstva predviđena za raspodjelu po Javnom pozivu planirana su u Budžetu Ministarstva za socijalnu politiku, zdravstvo, raseljena lica i izbjeglice Bosansko - podrinjskog kantona Goražde, na ekonomskom kodu 614200 (JAM 001) – tekući transferi pojedincima – Izdaci za raseljena lica za 2021. godinu.

Zahtjevom za traženje pomoći za fizička lica maksimalni iznos ne može prelaziti 2.000 KM dok za pravna lica traženi iznos ne može prelaziti iznos od 20.000 KM.

Svi zahjevi-prijave koji budi u većem iznosu od utvrđenog maksimalnog iznosa će biti odbijeni u cijelosti.

3. PRAVO UČEŠĆA NA JAVNOM POZIVU

Pravo učešća po ovom Javnom pozivu imaju:

- Fizička lica koja imaju status raseljenih lica i povratnika,
- Jedinice lokalne samouprave (Opština/Općina /Grad),
- mjesne zajednice u mjestima povratka,
- vjerske zajednice,
- udruženja /organizacije/asocijacije čije su programske aktivnosti usmjerene na proces povratka i njegovu održivost.

4. KRITERIJI ZA IZBOR KORISNIKA POMOĆI ZA ODRŽIVOST POVRATKA

FIZIČKA LICA

Sredstva u vidu finansiranja/sufinansiranja zahtjeva za fizička lica dodjeljivat će se za sljedeće namjene:

- a) Nabavka poljoprivredne opreme i mehanizacije,
- b) Obnova i izgradnja stajskih i pomoćnih objekata,
- c) Nabavka krupne i sitne stoke,
- d) Oporavak putne i komunalne infrastrukture u povratničkim naseljima.

Opći kriteriji za fizička lica su obavezni i eliminatorni i prijava treba da sadrži sljedeće dokumente:

- a) Obrazac prijave na javni poziv - čitko popunjenu i potpisanu prijavu na Javni poziv, na obrascu koji je dostupan na web stranici Vlade BPK Goražde www.bpkg.gov.ba ili se može preuzeti lično u prostorijama Ministarstva za socijalnu politiku, zdravstvo, rasljena lica i izbjeglice BPK Goražde.
- b) Uvjerenje/Potvrdu o ostvarenom povratku/priznatom statusu raseljenog lica - Da je povratnik u prijeratno mjesto prebivališta na području Federacije BiH ili povratnik iz Federacije BiH u prijeratno mjesto prebivališta na području Republike Srpske i Brčko Distrikta BiH, korisnik dokazuje Potvrdom/Uvjerenjem izdatom od nadležnog općinskog organa(original/ ovjerena kopija) odnosno ukoliko korisnik ima priznat status raseljenog lica U FBiH dokazuje Potvrdom/Uvjerenjem izdatom od nadležnog općinskog organa u kojem ima priznat status raseljenog lica (original/ovjerena kopija),
- c) CIPS prijava o prebivalištu za podnosioca prijave - Izdata u općini/opštini prebivališta od nadležnog organa (MUP-a), ne starija od tri mjeseca od dana podnošenja prijave po ovom javnom pozivu (original ili ovjerena kopija);
- d) Posjedovni list ili ZK (zemljišno knjižni) izvadak – Izvod iz katastarske evidencije kao i drugi važeći dokument kojim se dokazuje pravo na raspolaganja adekvatnim zemljištem (original ili ovjerena kopija).
- e) Kopiju predračuna koji odgovara apliciranom zahtjevu – projektu.

Posebni kriteriji na osnovu kojih će se bodovati prijava:

- a) Izjava podnosioca zahtjeva o ranije korištenim/nekorištenim finansijskim sredstvima ili drugim oblicima pomoći za održivi povratak, ovjerena od strane nadležnog organa općine (ne starija od 3 mjeseca od dana prijave na javni poziv)
- b) Kućna lista - Broj i starosna dob članova uže porodice podnosioca sa kojima živi u zajedničkom domaćinstvu (izdata od nadležne općinske službe)
- c) Dokazi o socijalnom statusu - Potvrda ili uvjerenje/ček od penzije koji definiše status podnosioca prijave i članova domaćinstva; nezaposlenost, radni, studentski, penzioni ili drugi status;
 - Za lica koja su nezaposlena dostavlja se uvjerenje nadležne kantonalne službe za zapošljavanje da se isti nalazi na evidenciji nezaposlenih osoba u opštini povratka, ne starije od 3 mjeseca od dana prijave na javni poziv,
 - Za zaposlena lica dostavlja se Uvjerenje/Potvrda poslodavca o prosječnoj plaći u zadnja 3 mjeseca od dana prijave na javni poziv,

- Za djecu i učenike sa kućne liste(maloljetnike) uzima se dokaz: rodni listovi za predškolsku djecu , odnosno Uvjerenje/Potvrda o pohađanju nastave za djecu školskog uzrasta izdata od nadležne ustanove,
 - Za lica koja su penzioneri dostavlja se Uvjerenje o visini penzije ili ček od penzije (ne stariji od tri mjeseca od dana prijave na javni poziv);
 - Za lica koja su u stanju socijalne potrebe i koja primaju neki od vidova socijalne pomoći dostavlja se Uvjerenje/ Potvrda nadležne općinske/kantonalne službe o visini mjesečnih primanja, ne starije od tri mjeseca od dana prijave na javni poziv;
 - Za starije osobe iznad 65 godina, i za lica koja nisu niti na jednoj evidenciji, a nemaju primanja, dostavlja se Izjava podnosioca na javni poziv sa naznakom o kome se radi sa kućne liste i u kojem je trenutno statusu (domaćica, poljoprivrednik i sl.). Izjava mora biti ovjerena od nadležnog općinskog organa nakon objave javnog poziva.
- d) Potvrda/Uvjerenje o pripadnosti ranjivim kategorijama - Podnosilac prijave uz prijavu podnosi original ili ovjerenu kopiju Uvjerenja ili Potvrde izdate od nadležnog organa, kojim dokazuje da on ili drugo lice sa prijavljene kućne liste pripada određenoj ranjivoj kategoriji (porodici šehida i poginulog borca, osobe sa invaliditetom, demobilisani nezaposleni borac, porodice nestale osobe, bivši logoraš, civilna žrtva rata i druge socijalne kategorije).

PRAVNA LICA

- Sredstva u vidu finansiranja/sufinansiranja projekata za pravna lica lica dodjeljivat će se za sljedeće namjene:
 - a) Obnova i izgradnja infrastrukturnih objekata,
 - b) Obnova porušenih ili oštećenih vjerskih objekata i lokalnih grobalja,
 - c) Nabavka opreme i mehanizacije,
 - d) Oporavak putne i komunalne infrastrukture u povratničkim naseljima,
 - e) Alternativni smještaj.
- **Opći kriteriji koji se odnose na pravna lica su eliminatorni i obavezujući i prijava treba da sadrži sljedeće dokumente:**
 - a) Čitko popunjenu, potpisanu i ovjerenu prijavu na Javni poziv i projektni prijedlog na obrascu koji jedostupan na web stranici Vlade BPK Gorazde www.bpkg.gov.ba ili se može preuzeti lično u prostorijama Ministarstva za socijalnu politiku, zdravlje, rasljena lica i izbjeglice BPK Gorazde.
 - b) Ovjerenu kopiju rješenja o registraciji (ako prijavu podnose udruženja/organizacije/ asocijacije i sl)
 - c) Uvjerenje o poreskoj registraciji i ID broj,
 - d) Ovjerena kopija Statuta (ako prijavu podnose udruženja/organizacije/ asocijacije i sl.),

Ako prijavu podnose mjesne zajednice, udruženja/organizacije/asocijacije i sl.potrebna je preporuka od strane lokalne zajednice (Opštine/Općine/Grada)

Uz svaku aplikaciju organa vjerskih zajednica, potrebna je preporuka od višeg nivoa vjerske zajednice

- e) Pripremljen Projekat koji se dostavlja uz zahtjev sa definisanim iznosom sredstava potrebnim za provedbu cjelokupnog projekta i dijela koji se traži u vidu finansiranja /sufinansiranja od strane Ministarstva,
- f) Da je predloženi projekat usmjeren ka rješavanju infrastrukturnih i drugih problema značajnih za razvoj održivog povratka i širu društvenu zajednicu (ako prijavu podnose udruženja/ organizacije/asocijacije i sl.).
- g) Kopija predračuna koji odgovara apliciranom zahtjevu – projektu.

- Posebni kriteriji na osnovu kojih će se bodovati prijava:

- a) Spremnost sufinansiranja projekta od strane podnosioca prijave ili drugih donatora ugovor ili Izjava ovjerena od strane podnosioca ili drugih donatora,
- b) Postojanje građevinske dozvole, urbanističke saglasnosti i ostala odobrenja potrebna za realizaciju projekta izdata od nadležnih organa ukoliko se radi o infrastrukturnom projektu - original ili ovjerana kopija,
- c) Spisak korisnika projekta čija se validnost dokazuje potpisima,
- d) Očekivani rezultati procjena mjerljivih efekata koji idu u prilog stvaranju preduslova za kvalitetniji život povratnika – ovjerena Izjava podnosioca projekta ili potvrda nadležnog organa da će realizacijom projekta navedeni infrastrukturni problem biti riješen, trajno, više od 10 godina, više od 5 godina ili do 5 godina.

Jedan podnosilac prijave (pravno lice) može dostaviti više od jednog zahtjeva u okviru ovog javnog poziva, u tom slučaju se moraju predati odvojene prijave, prijedlog projekta i dokumentacija uz svaku od njih.

5.PROCEDURE ODABIRA I SELEKCIJE PROJEKATA I ZAHTJEVA ZA SREDSTVIMA

Projekti i zahtjevi za sredstvima dostavljeni po raspisanom Javnom pozivu od strane korisnika na odobravanje za finansiranje/sufinansiranje iz Budžeta Bosansko-podrinjskog kantona sa ekonomskog koda 614200 (JAM 001) – Tekući transferi pojedincima – Izdaci za raseljena lica dostavljaju se u formi zahtjeva za sredstvima ili u formi projekta, kako je to definisano Javnim pozivom od strane Ministarstva za socijalnu politiku, zdravstvo, raseljena lica i izbjeglice.

Projekti i zahtjevi će biti vrednovani na osnovu Procedura za odabir korisnika (donesenih od strane Ministra za socijalnu politiku, zdravstvo, raseljena lica i izbjeglice) a u skladu sa kriterijima definisanim Programom utroška sredstava sa ekonomskog koda 614200 (JAM 001) Tekući transferi pojedincima – Izdaci za raseljena lica za 2021. godinu i raspisanim Javnim pozivom, od strane Komisije za odabir korisnika, koju će svojim Rješenjem imenovati Ministar.

Nakon utroška odobrenih sredstava po Programu podrške održivom povratku korisnik sredstava je obavezan da Ministarstvu za socijalnu politiku, zdravstvo, raseljena lica i izbjeglice dostavi izvještaj o provedenim aktivnostima i namjenskom utrošku sredstava.

Ako je podnosilac prijave u predhodnom periodu dobio sredstva od Ministarstva za socijalnu politiku, zdravstvo, raseljena lica i izbjeglice BPK Goražde, a nije dostavio Izvještaj o namjenskom utrošku sredstva, njegova prijava za dodjelu sredstava na osnovu javnog poziva se neće razmatrati.

6. ROK ZA PODNOŠENJE ZAHTJEVA I NAČIN OBJAVE

Rok za podnošenje zahtjeva- prijava po ovom Javnom pozivu je 15 dana od dana objave na Oglasnoj ploči Kantona.

Zahtjev – prijavni obrazac može se preuzeti na službenoj stranici Vlade www.bpkg.gov.ba ili lično u prostorijama Ministarstva za socijalnu politiku, zdravstvo, raseljena lica i izbjeglice BPK Goražde, je obavezujući i istim se potvrđuje ispunjavanje kriterija, kao i potrebna dokumentacija za apliciranje na Javni poziv. Aplikanti zahtjeve-prijave podnose u zatvorenoj koverti na protokol Bosansko-podrinjskog kantona Goražde ili putem pošte na adresu:

**Bosansko-podrinjski kanton Goražde
Ministarstvo za socijalnu politiku, zdravstvo, raseljena lica i izbjeglice
ul. 1. Slavne višegradske brigade 2a
73000 Goražde**

**Sa naznakom “Prijava na Javni poziv
za podnošenje prijava za ostvarivanje pomoći
iz Programa podrške održivom povratku. Ne otvaraj”**

Nepotpune i neblagovremene prijave neće se uzeti u razmatranje.

Javni poziv objavljuje se na zvaničnoj internet stranici Vlade Bosansko-podrinjskog kantona Goražde i na Oglasnoj ploči Bosansko-podrinjskog kantona Goražde.

Ministarstvo zadržava pravo kontrole namjenskog utroška dodjeljenih sredstava.

Broj: 08-11- 2780-1/21
Goražde, 22.10.2021. godine

MINISTAR

Eniz Halilović